



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Avtonomia. Das ist von Freystellung mehrerley
Religion vn[d] Glauben/ Was vnnd wie mancherley die
sey/ Was auch derhalben biß daher im Reich Teutscher
Nation fürgangen/ vnd ob dieselbig von der ...**

Erstenberger, Andreas

München, 1593

VD16 E 3873

Vorrede vber den andern Thail/

urn:nbn:de:hbz:466:1-33643

Als im ersten Thail dieses Buchs die Histori von vrsprung vnd anfang der Freystellung/ durch wen nemlich dieselb im heiligen Reich erregt/ bißdahero getrieben vnd vrgirt vnd was derhalben von einem Reichs/ Wahl/ vnd Deputation Tag/ zu dem andern fûrgangen vnd gehandelt/ ordenlich vnd getrewlich angezaigt worden/ So erhascheit nunmehr die notturffe/ obberûrter aufsthalung nach/ von den Ursachen/ Fundamenten vnd Grûnden/ so zu erhaltung vnd verhaltung der Freystellung fûrbracht werden/ vnd hinwider von derselben abhandlung zuhandlen.

Freysteller Argumenta zu diluiren warumb es nðtig.

Vnd zwar wosern die jenigen/ welche hienor die Supplicationes vnd schriften/ so diß Artickuls halben der Kay. May. auff etlichen Reichsordnungen vberbracht worden/ publiciert haben/ ein gleichmâssige Auffrichtigkeit gebrauchet/ vnd der Kay. May. antworten/ wie auch des andern Thails ablaunungs Schrifften eben so wol als der Freysteller Schrifften fûrbracht vnd neben einander gesetzt hetten/ so wûrde es villicht ainiger fernern bemûhung/ vnd dieses andern Thails nit bedûrffet haben.

Diweil aber solches nit beschehen/ vnd in demselben Truck nit allein die fûrnemen Schrifften vnd widerlegungen ausgelassen worden/ sonder auch in denen so außgangen/ vil ding vngrûndlich erzehlet/ die Reichshandlungen/ beschluß vnd abschid/ vnd sonderlich die Kayserliche erklârungen widerfûnnig angezogen/ vnd dem gemainen Mann dermassen eingebildet worden/ daß derselbig anderst nit vermaïnet/ vnd auch genzlich dahin beredt vnd persuadirt ist/ als ob die begert Freystellung allein vmb die Ehr Gottes/ gemaines Fridens/ vnd der Seelen seligkeit willen/ gesuecht vnd so hefftig getrieben werde.

So ist zum höchsten vonnöthen/ vnd kan zwar ohne sondern verdachte fûrsesslicher dissimulation vnd verschweigung der warheit nit vmbgangen werden/ angeregte Behelff vnd Fundamenta der Freysteller etwas eigentlicher vnd absonderlich zu examiniren/ zuerwegen/ vnd mit grunde der Warheit zu widerlegen. Damit menniglich spûren vnd sehen/ ja auch greiffen möge/ daß es mit der Freysteller suchen gar ein andere mainung/ als sie fûrgeben/ habe/ Vnd daß solche Freystellung nit allein zu Gottes Ehr/ gemainem Friden vnd Seelen seligkeit gar nit fûrderlich noch dienlich/ Sonder denselben

Von der Freystellung.

denselben vilmehr zum höchsten hinderlich/ vnd zu geistlicher auffhebung aller Goetsforcht/ Gehorsam/ Einigkeit/ guter Policey/ vnd entlicher zerrüttung des heiligen Reichs/ vnd desselben langgewerter hailfamen verfassung vnd Ordnung/ ein rechter Teuffelsgriff/ weg vnd mittel seye.

Freysteller gründ vnd Argumenta außthailung vnd erzehlung.

Vnd dieweil angeregte Gründe vnd Ursachen der Freysteller mit anderley/ sonder vnderschiedliche/ vnd anders von den Reichs Stenden/ anders von den Abteylligen Geistlichen/ anders von Grafen vnd Herrn/ anders von den Prediganten vnd Vnderthonen in gemain/ Eptlich auch zu einer zeit anders als zu der andern/ nach gelegenheit der läuffe/ auch der seynigen Köpff vnd eigensinnigkeit/ so sie sewelis darunder gebraucht/ fütgeben werden/ zu deme hin vnd wider in den Schrifften vnd Büchern zerstreuet sein/ so sollen jeso dieselben trewlich heraußer verzeichnet/ vnd jedes in seiner Ordnung nach obberürter Abthailung der fünff vnderschiedlichen Sorten der Freystellung gesehet/ als dann auch in nachfolgendem Dritten Thail darauff ordenlich geantwortet/ vnd das vrthail dem Christlichen/ fridfertigen vnd vnpartheyischen Leser haimgestellt/ vnd damit diser ganz Tractat beschlossen werden.

Summarium vnd Inhalt deß andern Thails von der Freystellung.

- Cap. I. Ursachen vnd Gründe deß ersten puncten der Freystellung beyder Religion vnder den Stenden deß Reichs. fol. 134.
- Cap. II. Ursachen vnd Gründe deß andern Puncten der Freystellung/ warumb nemblichen den Geistlichen ohne verlust ihrer Beneficien vnd Praelaturen/ erlaubt sein sol/ sich zur Augspurgischen Confession zubegeben. fol. 136.
- Cap. III. Ursachen vnd Gründe der dritten Freystellung/ von zulassung der Weltlichen zu den Geistlichen Beneficien. fol. 138.
- Cap. IIII. Ursachen vnd Gründe deß vierten Puncten oder vnderschieds der Freystellung/ der Geistlichen Stende vnderlassen vom Adel/ Städter vnd ander Vnderthonen/ sampt weyland Kayser Ferdinandi darüber angezogt ue Declaration oder Decret belangend/ ic. fol. 139..
- X
- Cap